

Minnisblað

Atriði til skoðunar: Breytingar á aðildargjöldum BHM

Dags. 28. október 2020

Höfundar: Guðfinnur Þór Newman og Tryggvi G. Ingason

Almennt

Á aðalfundi BHM árið 2019 var lögð fram tillaga að breyttum aðildargjöldum bandalagsins. Tillagan var felld og breytingartillaga lögð fram sem gekk skemur. Með breytingartillögunni, sem var samþykkt, var bæði lagt til lækkun aðildargjalda BHM sem og að skipaður yrði starfshópur sem myndi vinna tillögu að frekari lækkun aðildargjalda BHM. Starfshópurinn tók til stafa í júní 2019 og skilaði formlega af sér tveimur tillögum til formannaráðs BHM þann 30. október 2019. Eftir umræður og kynningar samþykkti formannaráð fyrir sitt leyti að vísa tillögunum til afgreiðslu aðalfundar BHM 2020 en vegna alheimsfaraldurs þurfti að halda fundinn rafrænt sem varð til þess afgreiðslu aðildargjaldamálsins var frestað fram á haust eða þar til hægt væri að halda staðfund og kynna afrakstur starfshópsins rækilega.

Mánuði fyrir framhaldsaðalfundinn, sem haldinn var 9. september sl., komu fram ábendingar frá hópí aðildarfélagi sem taldi tillögur starfshóps óásættanlegar. Málið var rætt í stjórn BHM sem kallaði svo til formann starfshópsins og fulltrúa þeirra aðildarfélagi sem töldu tillögurnar óásættanlegar og fór fram á að fundin yrði möguleg málamiðlun sem tæki á þeim umkvörtunarefnum sem fram hefðu komið.

Eftir nokkurra vikna vinnu þar sem farið var yfir athugasemdir og ábendingar náðist lending í málið sem talin var ásættanleg fyrir báða hópa. Tillagan var síðan kynnt á framhaldsaðalfundi í september sl. ásamt tillögu starfshóps og á fundinum var síðan samþykkt tillaga stjórnar BHM um að beina til formannaráðs að taka ákvörðun um aukaaðalfund. Í kjölfarið fóru fram kynningar fram á sáttatillögunni, annars vegar með hópfunði allra aðildarfélagi, og hins vegar með fundum einstakra félagi.

Sáttatillagan gengur út á eftirfarandi

1. Að fella niður fastagjald BHM sem í dag er 150 þúsund krónur

Í tillögu starfshóps var lagt til að gjaldið hækkaði í 500 þúsund krónur, m.a. til að ná því markmiði sem til þess var ætlað í upphafi. Í athugasemdum var bent á hversu þungbær þessi hækkun væri fyrir minni aðildarfélagin og ákveðið að fella fastagjaldið niður með öllu. Þó er sleginn sá varnagli 250 þúsund krónur skuli vera lágmarksgjald hvers aðildarfélags.

2. Að veita aðildarfélagum stigvaxandi fjölðaafslátt eftir stærð

Í tillögu starfshóps var lagt til að fjölðaafsláttir yrðu á bilinu 5%-20%. Í athugasemdum var talið að afslátturinn væri of hár og niðurstaða var að færa hann í 2%-10%.

3. Að innleiða fast gjald per félagsmann

Í tillögu starfshóps var ákveðið að festa gjald per félagsmann við 13.800 krónur. Við endurskoðun gjaldsins var horft til þess að lækka gjaldið svo fæst aðildarfélög yrðu fyrir hækkunum við breytinguna. Gjaldið var lækkað niður í 9.800 krónur.

4. Að greitt sé af heildarlaunum hvers félagsmanns

Í tillögu starfshóps var með öllu rofin sú tenging sem er til staðar en núverandi fyrirkomulag miðast við að til bandalagsins er greitt 0,17% gjald af heildarlaunum hvers félagsmanns. Við endurskoðun var ákveðið að halda til haga hluta af því gjaldi, eða sem nemur 20% af núverandi gjaldi. Þetta er eins konar skattur sem telst því vera 0,034% af heildarlaunum hvers félagsmanns.

5. Áhrif sáttatillögunnar á aðildarfélögin og bandalagið

Með tillögunni var leitast við að sem fæst aðildarfélög tækju hækkunum í formi aðildargjalda. Það náðist að mestu leyti en fimm aðildarfélög myndu hækka, en verða, skv. tillögunni, fryst í tvö ár. Það þýðir að þau hafi tveggja ára aðlögunartíma vegna breytinganna. Heildarlækkun til BHM vegna breytinga á aðildargjöldum er 27 milljónir króna. Hluti af lækkuninni, um 12 milljónir króna, er þegar komin til framkvæmda en aðildargjöld BHM lækkuðu í 0,17% úr 0,18% árið 2020.

6. Hvernig breytast nýju gjöldin (gjald per félagsmann og skattur hvers aðildarfélags)

Gjald per félagsmann tekur árlegum hækkunum í takt við launavísitölu¹ Hagstofu Íslands í októbermánuði. Með hækkun launa og fjölgun félagsmanna aukast framlögin til bandalagsins annars vegar á grundvelli skattsins og hins vegar vegna gjalds per félagsmanns.

7. Hvernig er fjöldi félagsmanna metinn

Við álagningu næsta árs er miðað við meðaltalsfjölda ágúst, september og október.

8. Sáttatillaga vegna aðildargjalda BHM²

Árgjald fyrir hvern félagsmann verði 9.800 krónur. Skattur af heildarlaunum hvers félagsmanns skal vera 0,034%.

Fjöldaafslættir³ skulu vera með eftirfarandi hætti:

- 250 félagsmenn og fleiri: 2%
- 500 félagsmenn og fleiri: 4%
- 750 félagsmenn og fleiri: 6%
- 1500 félagsmenn og fleiri: 8%
- 2000 félagsmenn og fleiri: 10%

Lágmarksgjald aðildarfélags að meðtöldum árgjöldum félagsmanna skal nema 250.000 krónum á ári.

¹ Grunnvísitala miðast við janúar 2018, 635,6 stig

² Árgjald félagsmanna, kr. 9.800 er rauntala fyrir árið 2018 og er verðbætt á hverju ári skv. 6. gr.

³ Fjöldaafslættir reiknast eingöngu af árgjaldi félagsmanna